



**Broj/Број: 02 –50 –1-67-40/'05
Sarajevo/Сарајево: 25.4.2005.**

ZAPISNIK

40. sjednice Doma naroda Parlamentarne skupštine Bosne i Hercegovine, održane 25. aprila 2005. godine

Sjednica je počela u 11,25 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Na sjednici je bilo 10 delegata.

Delegati Goran Milojević, Branko Zrno, Ilija Filipović i Hilmo Neimarlija opravdali su izostanak.

Osim delegata, na sjednici Doma naroda bili su: predstavnici međunarodnih organizacija i predstavnici sredstava javnog informiranja.

Prije prelaska na dnevni red, predsjedavajući Velimir Jukić pročitao je odluku da se za delegata iz Republike Srpske u Dom naroda Parlamentarne skupštine BiH, umjesto Nadeta Radovića, imenuje Ruža Stojanović, nakon čega je delegat Ruža Stojanović preuzela dužnost davanjem svečane izjave.

Za 40. sjednicu Doma naroda usvojen je sljedeći izmijenjeni

DNEVNI RED

1. Odgovori na delegatska pitanja i delegatska pitanja;
2. Zapisnik 39. sjednice Doma naroda;
3. Informacija Vijeća ministara o realizaciji zahtjeva Studije izvodljivosti;
4. Izvještaj Zajedničke komisije o nastojanju za postizanje sporazuma o identičnom tekstu Zakona o poštama;
5. Izjašnjavanje Doma naroda o zahtjevu Vijeća ministara za razmatranje Prijedloga zakona o konkurenciji po hitnom postupku, u skladu s članom 99. Poslovnika Doma naroda;
6. Izjašnjavanje Doma naroda o zahtjevu Vijeća ministara za razmatranje Prijedloga zakona o željeznicama Bosne i Hercegovine, po hitnom postupku, u skladu s članom 99. Poslovnika Doma naroda;
7. Prijedlog zakona o dopuni Krivičnog zakona Bosne i Hercegovine- predlažać: Predstavnički dom;
8. Davanje saglasnosti za ratifikaciju Konzularne konvencije između Bosne i Hercegovine i Republike Turske;

9. Davanje saglasnosti za ratifikaciju Sporazuma između Vijeća ministara BiH i Republike Italije o međusobnom reguliranju međunarodnog drumskog prijevoza putnika i tereta;
10. Izvještaj o obavljenim posjetama institucija BiH iz oblasti odbrane i sigurnosti s prijedlogom sublimiranih zaključaka i mjera – podnosilac Zajednička komisija za odbrambenu i sigurnosnu politiku;
11. Specijalni izvještaj Ombudsmena za ljudska prava Bosne i Hercegovine u vezi sa žalbama stranaka koje se odnose na rad Vijeća ministara BiH- saradnju Vijeća ministara BiH s Ombudsmenom za ljudska prava BiH;
12. Informacija o izdatim dozvolama za izvoz/uvoz naoružanja i vojne opreme;
13. Razmatranje Izvještaja o radu Državne regulatorne komisije za električnu energiju u 2004.;
14. Prijedlog kandidata za Vijeće Regulatorne agencije za komunikacije;
15. Popunjavanje mjesta iz reda srpskog naroda, umjesto Nadeta Radovića, u komisijama Doma naroda;
16. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o državnoj agenciji za istrage i zaštitu po hitnom postupku, u skladu s članom 100. Poslovnika Doma naroda.

Nakon rasprave o prijedlogu dnevnoga reda, u kojoj je učestvovao Tomislav Limov, Dom naroda usvojio je sljedeći zaključak:

“Da se predloži Predstavničkom domu Parlamentarne skupštine BiH da se Prijedlog rezolucije o antifašizmu razmatra na zajedničkoj sjednici Doma naroda i Predstavničkog doma Parlamentarne skupštine BiH, koja treba biti održana 9.5.2005”.

Prije prelaska na dnevni red u raspravi u kojoj su učestvovali Hasan Čengić i sekretar Doma naroda Jadranko Tomić, Dom naroda Parlamentarne skupštine BiH donio je sljedeći zaključak:

“Ako je Predsjedništvo BiH predlagatelj određene tačke dnevnog reda, Dom naroda zahtijeva od Predsjedništva BiH da za tu tačku obavezno osigura prisustvo svog predstavnika. U protivnom, ako prilikom razmatranja određene tačke dnevnog reda predstavnik Predsjedništva BiH ne bude prisutan sjednicama Doma naroda i komisija, ta tačka dnevnog reda neće se razmatrati”.

Ad-1. Odgovori na delegatska pitanja i delegatska pitanja

Odgovor na delegatsko pitanje dobio je Tomislav Limov.

Delegat Tomislav Limov izjasnio se da nije zadovoljan odgovorom.

Delegat Boško Šiljegović postavio je sljedeće pitanje i zahtjev Vijeću ministara BiH:

1. Kada će CRA početi poštovati dopis Agencije za državnu službu, broj 05-34-247-1/04 od 8. aprila 2004. godine, kojim je dat odgovor na zahtjev CRA za pravno tumačenje statusa zaposlenih i u kojem je definirano da su zaposleni u Agenciji obavezni poštovati Zakon o državnoj službi, a samim tim i platne razrede? Do kada će viši stručni saradnik bez fakultetske diplome imati veću plaću od predsjedavajućeg Doma naroda Parlamentarne skupštine BiH?

(Uz odgovor na pitanje delegat Boško Šiljegović traži da se dostavi iznos plaće).

2. Prema Zaključku broj 2. sa sastanka CRA od 8.10.2004. godine, na kome je određivana strategija dodjele frekvencija, navedeno je da će, i pored formiranja još jedne mreže, prestati frekvencija. Šta je s frekvencijama i za koga se čuvaju, jer se time direktno nanosi šteta Budžetu BiH?
3. Kada će jedan domaći emiter (pošto znamo da su OBN i BH Pink strani) dobiti frekvencije da pokriva čitavu teritoriju BiH i kada će CRA prestati svojim odlukama osiromašivati ovu zemlju, jer je poznato da finansijska dobit pojedinih medija iz BiH sada ide u druge susjedne države?
4. Tražim da se Domu naroda Parlamentarne skupštine BiH konačno dostavi nacionalna struktura zaposlenih, broj zaposlenih Srba, broj Srba na rukovodećim radnim mjestima, kvalifikacija svakog zaposlenog u Agenciji i iznos plaće svih zaposlenih poimenično.

Zahtjev:

Tražim da Vijeće ministara BiH, zajedno s Domom naroda i Predstavničkim domom Parlamentarne skupštine BiH i nezavisnim kandidatima iz nevladinih organizacija, osnuje komisiju koja bi izvršila reviziju svih dodijeljenih dozvola za emitiranje programa, s obzirom da analize pokazuju da je 20% kandidiranih TV stanica u FBiH i 40% u Republici Srpskoj izgubilo dozvolu kada je u pitanju TV, a 9% u FBiH i 38% u RS kada je u pitanju radio, u procesu natjecanja za dugoročnu dozvolu.

Broj stanica:

FBiH TV 34-7 = 27, odnosno 20%
RS TV 25-10 = 15, odnosno 40%

FBiH FM 111-20 = 91, odnosno 9%
RS FM 85-36 = 49, odnosno 38%

Delegat Đoko Pajić postavio je sljedeće pitanje predsjedavajućem Vijeća ministara BiH.

Zašto nije i kada će biti osnovana komisija za istraživanje zločina počinjenih u Sarajevu u periodu 1992. – 1995., a po odluci Parlamentarne skupštine BiH iz januara 2004. godine?

Obrazloženje:

Parlamentarna skupština BiH na sjednici oba doma donijela je u januaru 2004. Odluku o osnivanju komisije za istraživanje zločina počinjenih u Sarajevu u periodu od 1992. do 1995. godine. Za realizaciju ove odluke zaduženo je Vijeće ministara BiH, a komisija ni do danas nije osnovana.

U posljednje vrijeme u medijima i u javnosti počelo se sa zastrašujućim manipulacijama ovim žrtvama i njihovim porodicama, te smatram da je potrebno hitno osnovati navedenu komisiju radi izbjegavanja svih tih manipulacija i utvrđivanja prave istine o tom pitanju.

Delegat Tomislav Limov postavio je sljedeća pitanja Vijeću ministara BiH:

1. Zašto do danas, iako je rok koji su utvrdili Predstavnički dom i Dom naroda Parlamentarne skupštine BiH istekao krajem februara 2005. godine, Vijeće ministara nije prezentiralo Parlamentarnoj skupštini BiH programe zaštite socijalno najugroženijih kategorija stanovništva nakon početka primjene Zakona o porezu na dodatnu vrijednost (PDV-u)?
2. Hoće li Vijeće ministara uopće ispoštovati Zaključak Parlamentarne skupštine BiH i kada će poslanici i delegati dobiti Programe zaštite socijalno ugroženih kategorija bosanskohercegovačkog stanovništva nakon početka primjene Zakona o PDV-u?

U ime Kluba bošnjaka, delegat Hasan Čengić postavio je sljedeća pitanja Vijeću ministara BiH:

Povodom zbivanja kod polaganja zakletve regruta na Manjači i Čapljini, delegat Hasan Čengić traži od Vijeća ministara da mu se u obliku informacije odgovori na pitanje:

Da li postoje zakonske procedure kod polaganja zakletve regruta, odnosno ako ne postoje, da li Ministarstvo odbrane priprema podzakonske akte, tj. kada će ti akti stupiti na snagu?

Da li je tačna informacija koja se pojavila u medijima na dan sahrane pape Ivana Pavla II. da je zastava s katoličkim simbolima uklonjena, odnosno na neki način oskrnavljena? Ukoliko je ova informacija tačna, da li je nešto poduzeto i da li su nadležni organi utvrdili počinioc?

Delegat Halid Genjac postavio je sljedeće pitanje Vijeću ministara BiH:

Šta je Vijeće ministara BiH poduzelo da se promjeni situacija vezana za problem koji je već dugo prisutan na području Janje, čiji su mještani, nelegalnom promjenom granice, dovedeni u poziciju da ne mogu koristiti 400 dunuma zemljišta, a plaćaju porez za zemljište koje ne mogu koristiti?

Ad-2. Zapisnik 39. sjednice Doma naroda

Dom naroda jednoglasno je usvojio Zapisnik 39. sjednice.

Ad-3. Informacija Vijeća ministara o realizaciji zahtjeva Studije izvodljivosti

U raspravi su učestvovali: Adnan Terzić, predsjedavajući Vijeća ministara, Tomislav Limov, Hasan Čengić, Đoko Pajić, Velimir Jukić, Vinko Radovanović i Ante Spajić.

Dom naroda razmatrao je Informaciju Vijeća ministara o realizaciji zahtjeva Studije izvodljivosti i usvojio sljedeću Rezoluciju:

Polazeći od Odluke Vijeća ministara BiH o pokretanju inicijative za pristupanje Bosne i Hercegovine Evropskoj uniji ("Službeni glasnik BiH", broj: 3/99) od 22.3.1999. i Rezolucije Parlamentarne skupštine BiH o evropskim integracijama i Paktu stabilnosti za Jugoistočnu Evropu ("Službeni glasnik BiH", broj 23/99) od 27. jula 1999 godine,

Podsjećajući na izjave predsjednika političkih stranaka koje imaju poslanike u Parlamentarnoj skupštini BiH od 18.2.2004. godine, kojom se potvrđuje spremnost na politički konsenzus i daljnju demokratizaciju Bosne i Hercegovine u okviru ustavnog poretka, radi ulaska u Evropsku uniju i Partnerstvo za mir,

Imajući u vidu pismo komesara za proširenje Evropske unije gosp. Olija Rena, upućeno predsjedavajućem Vijeća ministara BiH 5.4.2005., kojim se jasno identificiraju preostale obaveze iz Studije izvodljivosti o spremnosti Bosne i Hercegovine za početak pregovora o potpisivanju Sporazuma o stabilizaciji i pridruživanju (u daljnjem tekstu: Studija izvodljivosti),

Potvrđujući opredijeljenost Bosne i Hercegovine ka izgradnji demokratskog društva, zasnovanog na vladavini prava i poštivanju ljudskih i manjinskih prava, principima tržišne ekonomije, kao i izgradnji djelotvornih državnih institucija u skladu s kriterijima za pristupanje Evropskoj uniji koje je utvrdilo Evropsko vijeće iz Kopenhagena 1993. godine,

Dom naroda Parlamentarne skupštine Bosne i Hercegovine na 40. sjednici, održanoj 25. 4. 2005. godine, donosi

R E Z O L U C I J U

kojom se

Potvrđuje da je ostvarenje punopravnog članstva Bosne i Hercegovine u Evropskoj uniji strateški cilj Bosne i Hercegovine,

Pozivaju sve političke stranke da se pridruže zajedničkom naporu provođenja preostalih uslova iz Studije izvodljivosti kako bi Bosna i Hercegovina dobila preporuku za početak pregovora o potpisivanju Sporazuma o stabilizaciji i pridruživanju,

Izražava spremnost da pruži doprinos u ispunjavanju preostalih uslova definiranih Studijom izvodljivosti,

Daje puna podrška Vijeću ministara u ispunjavanju uslova definiranih Studijom izvodljivosti,

Pozivaju sve institucije Bosne i Hercegovine i svi nivoi vlasti na punu saradnju na provođenju preostalih uslova iz Studije izvodljivosti i

Ukazuje na neophodnost uspostavljanja institucija definiranih Studijom izvodljivosti.

Ova rezolucija bit će objavljena u "Službenom glasniku BiH".

Ad-4. Izvještaj Zajedničke komisije o nastojanju za postizanje sporazuma o identičnom tekstu Zakona o poštama

U raspravi je učestvovao Hasan Čengić.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o poštama.

Ad-5. Izjašnjavanje Doma naroda o zahtjevu Vijeća ministara za razmatranje Prijedloga zakona o konkurenciji po hitnom postupku, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je usvojio zahtjev Vijeća ministara za razmatranje Prijedloga zakona o konkurenciji po hitnom postupku, u skladu s članom 99. Poslovnika Doma naroda.

Ad-6. Izjašnjavaanje Doma naroda o zahtjevu Vijeća ministara za razmatranje Prijedloga zakona o željeznicama Bosne i Hercegovine, po hitnom postupku, u skladu s članom 99. Poslovnika Doma naroda

U raspravi je učestvovao predstavnik Vijeća ministara Haris Bašić.

Dom naroda jednoglasno je usvojio zahtjev Vijeća ministara za razmatranje Prijedloga zakona o željeznicama Bosne i Hercegovine po hitnom postupku, u skladu s članom 99. Poslovnika Doma naroda.

Ad-7. Prijedlog zakona o dopuni Krivičnog zakona Bosne i Hercegovine - predlagač: Predstavnički dom

U raspravi je učestvovao Đoko Pajić.

Dom naroda jednoglasno je usvojio u prvom i drugom čitanju Prijedlog zakona o dopuni Krivičnog zakona u BiH u identičnom tekstu kao i na Predstavničkom domu.

Ad-8. Davanje saglasnosti za ratifikaciju Konzularne konvencije između Bosne i Hercegovine i Republike Turske

U raspravi je učestvovao Hasan Čengić.

Doma naroda jednoglasno je dao saglasnost za ratifikaciju Konzularne konvencije između Bosne i Hercegovine i Republike Turske.

Ad-9. Davanje saglasnosti za ratifikaciju Sporazuma između Vijeća ministara BiH i Republike Italije o međusobnom reguliranju međunarodnog drumskog prijevoza putnika i tereta

U raspravi je učestvovao Hasan Čengić.

Doma naroda jednoglasno je dao saglasnost za ratifikaciju Sporazuma između Vijeća ministara BiH i Republike Italije o međusobnom reguliranju međunarodnog drumskog prijevoza putnika i tereta.

Ad-10. Izvještaj o obavljenim posjetama institucija BiH iz oblasti odbrane i sigurnosti s prijedlogom sublimiranih zaključaka i mjera – podnosilac: Zajednička komisija za odbrambenu i sigurnosnu politiku

U raspravi su učestvovali Boško Šiljegović i Tomislav Limov.

Dom naroda je većinom glasova usvojio Izvještaj o obavljenim posjetama institucija BiH iz oblasti odbrane i sigurnosti s prijedlogom sublimiranih zaključaka i mjera.

Ad-11. Specijalni izvještaj Ombudsmena za ljudska prava Bosne i Hercegovine u vezi sa žalbama stranaka koje se odnose na rad Vijeća ministara BiH - saradnju Vijeća ministara BiH sa Ombudsmenom za ljudska prava BiH

U raspravi su učestvovali: Mariofil Ljubić, predstavnik Ombudsmena, Halid Genjac, Vitomir Popović, predstavnik Ombudsmena, Tomislav Limov, Hasan Čengić, Mustafa Pamuk, Osman Brka, Boško Šiljegović i Đoko Pajić.

Dom naroda razmatrao je Specijalni izvještaj Ombudsmena za ljudska prava BiH u vezi sa žalbama stranaka koje se odnose na rad Vijeća ministara BiH - saradnju Vijeća ministara BiH s Ombudsmenom za ljudska prava BiH i usvojio sljedeće zaključke:

1. Prihvata se Specijalni izvještaj Ombudsmena za ljudska prava BiH u vezi sa žalbama stranaka koje se odnose na rad Vijeća ministara BiH - saradnju Vijeća ministara BiH s Ombudsmenom za ljudska prava BiH.
2. «S ciljem osiguranja normalnog rada Ombudsmena za ljudska prava BiH, zahtijeva se od Vijeća ministara BiH, kao i drugih institucija BiH, da omoguće Ombudsmenu BiH istraživanje navoda žalbi na zakonom propisan način, odnosno da Vijeće ministara BiH i druge institucije BiH postupe po donesenim preporukama Ombudsmena BiH.

3. S ciljem osiguranja normalnih uslova rada, zahtijeva se od Vijeća ministara BiH, Ministarstva finansija i trezora BiH i drugih institucija BiH da osiguraju optimalne uslove Ombudsmenu BiH (adekvatan prostor, adekvatnu opremljenost i dovoljno finansiranje neophodne za optimalan rad Ombudsmena, kao i druga finansiranja uključujući i plaće), koje je zasnovano na Zakonu o Ombudsmenu za ljudska prava BiH («Službeni glasnik BiH», broj 19/02), Zakonu o izmjenama i dopunama Zakona o Ombudsmenu za ljudska prava BiH («Službeni glasnik BiH», broj 35/04), koji se primjenjuje retroaktivno od 1.1.2004., te internih akata Ombudsmena BiH o plaćama zaposlenih, donesenih na osnovu Zakona o Ombudsmenu za ljudska prava BiH.
4. Vijeće ministara BiH i druge institucije BiH dužni su osigurati i druge uslove za normalno funkcioniranje Ombudsmena za ljudska prava BiH, s ciljem ostvarivanja najviših standarda u zaštiti ljudskih prava.»
5. Zahtijeva se od Vijeća ministara da njihovi predstavnici u što kraćem roku održe sjednicu s predstavnicima Ombudsmena BiH.

Ad-12. Informacija o izdatim dozvolama za izvoz/uvoz naoružanja i vojne opreme

U raspravi je učestvovao Boško Šiljegović.

Dom naroda razmatrao je Informaciju o izdatim dozvolama za izvoz/uvoz naoružanja i vojne opreme i usvojio sljedeće zaključke:

«1. Prihvata se Informacija Vijeća ministara o izdatim dozvolama za izvoz/uvoz naoružanja i vojne opreme.

2. Dom naroda Parlamentarne skupštine BiH zahtijeva od Parlamenta Federacije BiH da ispuni svoju zakonsku obavezu i u što kraćem roku izvrši prijenos nadležnosti nad namjenskom industrijom s Ministarstva odbrane Federacije BiH na drugo nadležno civilno ministarstvo.

3. U slučaju neispunjenja svoje zakonske obaveze, Parlament Federacije treba biti svjestan svoje odgovornosti.»

Ad-13. Razmatranje Izvještaja o radu Državne regulatorne komisije za električnu energiju u 2004.

U raspravi su učestvovali: Mirsad Salkić, predstavnik Državne regulatorne komisije za električnu energiju, Hasan Čengić, Đoko Pajić i Velimir Jukić.

Dom naroda jednoglasno je usvojio Izvještaj o radu Državne regulatorne komisije za električnu energiju u 2004.

Ad-14. Prijedlog kandidata za Vijeće Regulatorne agencije za komunikacije

U raspravi su učestvovali Osman Brka i sekretar Doma naroda Jadranko Tomić.

Dom naroda imenovao je sljedeće članove za Vijeće Regulatorne agencije za komunikaciju:

1. Mehmed Spaho
2. Mahir Hadžiahmetović
3. Sead Mulabegović
4. Neven Tomić
5. Branislav Božić
6. Slobodan Bošković
7. Rajko Popović

Ad-15. Popunjavanje mjesta iz reda srpskog naroda, umjesto Nadeta Radovića, u komisijama Doma naroda

U raspravi je učestvovao Boško Šiljegović.

Dom naroda jednoglasno je, umjesto Nadeta Radovića, u

Ustavno-pravnu komisiju imenovao Đoku Pajića,
u Komisiju za vanjsku i trgovinsku politiku Ružu Stojanović i
u Komisiju za finansijske i administrativne poslove Ružu Stojanović.

Ad-16. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o državnoj agenciji za istrage i zaštitu po hitnom postupku, u skladu s članom 100. Poslovnika Doma naroda

U raspravi su učestvovali: Tomislav Limov, Hasan Čengić, Mustafa Pamuk, Nermin Pešto, predstavnik Vijeća ministara, Boško Šiljegović, Halid Genjac i Ante Spajić.

Dom naroda nije razmatrao ovu tačku dnevnog reda zbog neprisustvovanja predlagača.

Sjednica je završena u 17,30 sati.

Sastavni dio ovog zapisnika je neautorizirani transkript sjednice.

**SEKRETAR
DOMA NARODA**
Jadranko Tomić

**PREDSJEDAVAJUĆI
DOMA NARODA**
Velimir Jukić